

7451

樂府詩集

樂府詩集

四

郭茂倩編

樂府詩集卷第七十四

太原郭

茂倩

編次



雜曲歌辭

枯魚過河泣

古辭

枯魚過河泣何時悔復及作書與魴鱖相教慎出入

同前

唐李白

白龍改常服偶被豫且制誰使爾爲魚徒勞訴天帝作書報
鯨鯢勿恃風濤勢濤落歸泥沙飜遭螻蟻噬萬乘慎出入柏
人以爲誠一作謾

冉冉孤生竹

古辭

冉冉孤生竹結根泰山阿貞君爲新婚菟絲附女蘿菟絲生
有時夫婦會有宜千里遠結婚悠悠隔山陂思君令人老軒
車來何遲傷彼蕙蘭花含英揚光輝過時而不采將隨秋草

姜亮君執高節賤妾亦何爲

同前

宋何偃

流萍依清源孤鳥親宿止
蔭幹相經榮風波能終始
草生有日月婚年行及紀
思欲侍衣裳關山分萬里
徒作春夏期空望良人執
芳色宿昔事誰見過時
美涼鳥臨一作秋意歡願亦云已
豈意倚君恩坐守零落耳

棗下何纂纂

簡文帝

古咄咄歌曰棗下何攢攢
榮華各有時棗欲初赤時
人從四邊來棗適今日賜
誰當仰視之潘安仁笙賦
曰詠園桃之天天歌棗下
之纂纂歌曰棗下纂纂朱
實離離宛其死矣化爲枯
枝纂纂棗花也棗之纂纂
盛貌實之離離將衰言榮
謝之各有時也

垂花臨碧澗結翠依丹爍非直入游宮兼期植靈苑落日芳
春暮遊人歌吹晚弱刺引羅衣朱實凌還憶且歡洛浦詞無
羨安期遠

同前三首

隋王胄

柳黃知節變草綠識春歸復道含雲影重簷照日輝
御柳長條翠宮槐細葉開還得聞春曲便逐鳥聲來

西園遊上才

沈約詠月詩曰月華臨靜夜夜靜滅氛埃方暉
竟戶入圓影隙中來高樓切思婦西園遊上才
因以爲題也

西園遊上才清夜可徘徊月桂臨樽上山雲影蓋來飛花隨
燭度疎葉向帷開當軒願應阮還覺賤鄒枚

薄暮動弦歌

梁沈君攸

柳谷向夕沉餘日蕙樓臨砌徙斜光金戶半入藁林影蘭徑
時移落藥香絲繩玉壺傳綺席秦箏趙瑟響高堂舞裙拂履
喧珠珮歌響出扇繞塵梁雲邊雪飛弦柱促留賓但須羅袖
長日暮歌鍾恒不倦處處行樂爲時康

羽觴飛上苑

沈君攸

楚辭曰瑤漿密勺實羽觴張衡西京賦曰促中
堂之狹坐羽觴行而無筭羽觴謂杯上綴羽以
速飲漢書音義曰羽觴作生爵形是也

上路薄晚風塵合禁苑初春氣色華石徑斷絲關蔓草山流
細沫擁浮花魚文熠燿含餘日鶴蓋低昂照落霞隔樹銀鞍
喧寶馬分衢玉軼動香車車馬處處盡成陰班荆促席對芳
林藤杯屢動情仍暢翠樽引滿趣彌深山陽倒載非難得宜
城醇醖促須斟半醉驪歌應可奏上客莫慮擲黃金

桂棹泛河中

沈君攸

黃河曲渚通千里濁水分流引八川仙查逐源終未極蘇亭

一作遺跡尚難遷眇眇雲根侵遠樹蒼蒼水氣雜一作合遙天

波影雜霞無定色湍文觸岸不成圓赤馬青龍一作驪交出浦

飛雲蓋海遠凌煙蓮舟渡沙轉不礙桂棹距浪弱難前風急

金鳥翅自轉汀長錦纜影微懸榜人欲歌先扣柂津吏猶醉

疆持船河隄極望今如此行杯落葉詎虛傳

內殿賦新詩

陳江揔

兔影脉脉照金鋪虬水滴滴寫玉壺綺翼雕甍過清漢虹梁

一作柱麗黃圖風高暗綠凋殘柳雨馱芳紅濕晚芙三五

二八佳年少百萬千金買歌笑偏著故人織素詩願奉秦聲

采蓮一作菱調織女今夕渡銀河當見清一作新秋停玉梭

武溪深行

後漢馬援

一日武陵深行崔豹古今註曰武溪深馬援南
征之所作也援門生爰寄生善吹笛援作歌令
寄生吹笛以和之名曰武溪深

滔滔武溪一何深鳥飛不度獸不敢臨嗟哉武溪兮多毒淫

同前

梁劉孝勝

武溪深不測水安舟復輕暫侶莊生釣還滯鄂君行櫂歌爭
後發譟鼓逐前征秦上山川險黔中木石并林壑秋籟急猿
哀夜月明澄源本千仞回峯忽萬縈昭潭讓無底太華推削
成日落野通氣目極悵餘情下流曾不濁長邁寂無聲著學
滄浪水濯足復濯纓

半渡溪

梁劉孝威

樂府解題曰半渡溪言戰而半涉溪水見迫所
言皆嶺南地里與武溪深相類梁元帝又有半

路溪則言相逢隔溪已識行步辭旨與此全殊
 本廁偏伍伴一戰殄凶渠制賜文犀節驛報紫泥書入營陳
 御蓋還家乘紫車皇恩空以重一作知丹心恨不紆渡瀘且
 不畏凌溪嗟有餘

半路溪

梁元帝

相逢半路溪隔溪猶不渡望望判知是翩翩識行步摘贈蘭
 澤芳欲表同心句先將一作持動舊情恐君疑妾妬

昔思君

晉傅玄

昔君與我兮形影潛結今君與我兮雲飛雨絕昔君與我兮
 音響相和今君與我兮落葉去柯昔君與我兮金石無虧今
 君與我兮星滅光離

妾安所居

梁吳均

賤妾先有寵蛾眉進不遲一從西北麗無復城南期何因暫

豔逸豈爲乏妍姿徒有黃昏望寧遇青樓時惟惜應門掩方
餘永巷悲匡牀終不共何由橫自思

飲酒樂

晉陸機

樂苑曰飲酒樂商調曲也

蒲萄四時芳醇瑠璃千鍾舊賓夜飲舞遲銷燭朝醒弦促催人

同前

飲酒須飲多人生能幾何百年須受樂莫厭管弦歌

同前

唐聶夷中

日月似有事一夜行一周草木猶須老人生得無愁一飲解
百結再飲破百憂白髮欺貧賤不入醉人頭我願東海水盡
向杯中流安得阮步兵同入醉鄉遊

淫思古意

宋顏竣

春風飛遠方紀轉流思堂貞節寄君子窮閨妾所藏裁書露

微疑千里問新知君行過三稔故心久當移

思公子

齊王融

楚辭九歌曰靄填填兮雨冥冥援啾啾兮枕夜
鳴風颯颯兮木蕭蕭思公子兮徒離憂思公子
蓋出於此

春盡風颯颯蘭凋木脩脩王孫久爲客思君徒自憂

同前

梁費昶

公子才氣饒凌雲自飄飄東出闔雞道西登飲馬橋夕宴銀
爲燭朝燔桂作焦虞卿亦何命窮極苦無聊

同前

北齊邢劭

綺羅日減帶桃李無顏色思君君未歸歸來豈相識

王孫遊

齊謝朓

楚辭招隱士曰王孫遊兮不歸春草生兮萋萋

王孫遊蓋出於此

綠草蔓蔓

一作夢

如絲雜樹紅英發無論君不歸君歸芳已歇

同前

王融

置酒登廣殿開襟望所思春草行已歇何事久佳期

一本辭同

思公

同前

唐崔國輔

自與王孫別頻看黃鳥飛應由春草誤著處不成歸

陽翟新聲

王融

隋書樂志曰西涼樂曲陽翟新聲神白馬之類皆生於胡戎歌非漢魏遺曲也

懷春發下蔡含笑向陽城恥爲飛雉曲好作鷓鴣鳴

金樂歌

梁簡文帝

槐香欲覆井楊柳正藏鷗山鑪當

一作好

無比玉樵火聰賒牀

頭辟繩結鑄上領巾斜鐵鍾種梁子銅樞生秦花開門拋水

柱

一作信

城按特言家

同前

梁元帝

啼鳥怨別偶曙鳥憶誰家石闕題書字金燈飄落花東方曉
星沒西山晚日斜穀衫迴廣袖團扇掩輕紗暫借青驄馬來
送黃牛車

同前

梁房篆

前溪流碧水後渚映青天登臺臨寶鏡開牕對綺錢玉顏光
粉色羅袖拂金鈿春風散輕蝶明月映新蓮摘花競時侶催
指及芳年

樂未央

梁沈約

億舜日萬堯年詠湛露歌採蓮顧雜百和氣宛轉金鑪前

南征曲

梁蕭子顯

擢歌來揚女操舟驚越人圖蛟怪水伯照鷁珠江神

發白馬

梁費昶

通典曰白馬春秋時衛國曹邑有黎陽津一曰
白馬津酈生云守白馬之津是也發白馬言征
戍而發兵於此也

家本樓煩俗召募羽林兒怖羌角觝戲習戰昆明池弓弦不
復挽劍衣恒露鉞一辭豹尾內長別屬車垂白馬今雖發黃
河未結澌寄言閨中婦逢春心勿移

同前

李白

將軍發白馬旌節渡黃河蕭鼓聒川嶽滄溟湧洪濤一作波武
安有振瓦易水無寒歌鐵騎若雪山飲流涸滹沱揚兵獵月
窟轉戰略朝那倚劍登燕然邊峯列嵯峨蕭條萬里外耕作
五原多一掃清大漠包虎戰金戈

濟黃河

梁謝微

積陰晦平陸淒風結暮序朝辭金谷戍夕逗黃河渚赤兔徒
聯翩青鳧詎容與淚甚聲難發悲多袖未舉虛薄謬君恩方
嗟別宛許

同前

江總

葱山淪外城鹽澤隱遐方兩京分際遠九道派流長未殫所
聞見無待驗詞章留連嗟太史惆悵踐黎陽導波縈地節疏
氣耿天潢憫周用寶嘉晉肇爲梁

同前

隋蕭慤

大蕃連帝室驂駕奉皇猷未明驅羽騎凌晨方畫舟津城度
維錦岸柳夾緹油鍾聲颺別島旗影照蒼流早光生劍服朝
風起節樓滔滔細波動裔裔輕舳浮迴橈避近磧放舳下前
洲全疑上天漢不異謁蓬丘望知雲氣合聽識水聲秋從軍

何等樂喜從神仙遊

結襪子

後魏溫子昇

帝王世紀曰文王伐崇侯虎至五鳳墟襪係解
顧左右無可使者乃俯而結之武王至商郊牧
野誓衆左仗黃鉞右秉白旄王襪解莫肯與王
結王乃釋旄俯而結之漢書曰王生者善爲黃
老言處士嘗召居廷中公卿盡會立王生老人
曰吾襪解顧謂張釋之爲我結襪釋之跪而結
之旣已人或讓王生獨奈何廷辱張廷尉如此
王生曰吾老且賤自度終亡益於張廷尉廷尉
方天下名臣吾故聊使結襪欲以重之諸公聞
之賢王生而重釋之唐李白辭大抵言感恩之
重而以命相許也

誰能訪故劒會自逐前魚裁
紉終委篋織素空有餘

同前

李白

燕南壯士吳門豪
筑中置鉞魚隱刀
感君恩重許君命
太山一擲輕鴻毛

沐浴子

澡身經蘭汜濯髮
僚芳洲折榮聊躑躅
攀桂且淹留

同前

李白

沐芳莫彈冠浴蘭
莫振衣處世忌太潔
志一作至人貴藏暉滄
浪有釣叟吾與爾同歸

安定侯曲

溫子昇

封疆在上帝鍾鼓
自相和美人當牕舞
妖姬掩扇歌

澤雉

莊子曰澤雉十步一啄
百步一飲不期畜乎樊